

ԱՐՁԱՆԱԳՐՈՒԹՅՈՒՆ 04

Հայաստանի Հանրապետության Արագածոտնի մարզում 2018թ. դեկտեմբերի

21-ին ժամը 15:00-ի կայացած մարզխորհրդի նիստի

Մասնակցում էին՝

Դ. Գևորգյան	ՀՀ Արագածոտնի մարզպետ
Ա. Սարգսյան	ՀՀ Արագածոտնի մարզպետի տեղակալ
Ա. Նիկողոսյան	ՀՀ Արագածոտնի մարզպետի տեղակալ
Գ. Աթանեսյան	ՀՀ Արագածոտնի մարզպետի տեղակալ
Հր. Գևորգյան	ՀՀ Արագածոտնի մարզպետարանի գլխավոր քարտուղար

Արագածոտնի մարզպետարանի աշխատակազմը, մարզի բժշկական հաստատություններին տնօրենները, Արագածոտնի մարզի համայնքների ղեկավարներ

Օրակարգում՝

1. Մարզի համայնքների սեփական եկամուտների հավաքագրման ամփոփիչ ցուցանիշների մասին /զեկ. մարզպետի տեղակալ Գ. ԱԹԱՆԵՍՅԱՆ/:
2. Մարզի համայնքներում 2019 թվականի հունվարի 1-ի դրությամբ առկա անասունների համատարած հաշվառման աշխատանքների կազմակերպման մասին /զեկ. մարզպետարանի աշխատակազմի գյուղատնտեսության և բնապահպանության վարչության պետ Յու. ԱՋԱՏՅԱՆ/:
3. 2018 թվականին տարերային աղետներից տուժած համայնքների հողօգտագործողներին մասնակի փոխհատուցում տրամադրելու գործընթացի մասին /զեկ. մարզպետարանի աշխատակազմի գյուղատնտեսության և բնապահպանության վարչության պետ Յու. ԱՋԱՏՅԱՆ/:
4. Համայնքներին սուբվենցիաների տրամադրման և ծրագրերի իրականացման գործընթացի մասին (զեկուցողներ՝ մարզպետարանի աշխատակազմի զարգացման ծրագրերի, զբոսաշրջության և վերլուծության բաժնի պետ Ի. ԲԱՐՍԵՂՅԱՆ, քաղաքաշինության վարչության պետ Ա. ԴԱՎԱՅԱՆ):
5. ՀՀ Իմ քայլը հանուն Արագածոտնի >> միջոցառման հետ կապված կազմակերպչական հարցերի մասին (զեկ. մարզպետարանի աշխատակազմի զարգացման ծրագրերի, զբոսաշրջության և վերլուծության բաժնի պետ Ի. ԲԱՐՍԵՂՅԱՆ):
6. <Տեղական ինքնակառավարման մասին> ՀՀ օրենքի 8-րդ, 11-րդ, 15-րդ, 16-րդ հոդվածների պահանջների կատարման գործընթացի մասին (զեկուցողներ՝ մարզպետարանի աշխատակազմի ՏԻ և ՀԳՄՀ վարչության պետ Հ. ԱՍԱՏՐՅԱՆ, մարզպետի խորհրդական Ս. ՀՈՎԱՏՓՅԱՆ):
7. ՀՀ Արագածոտնի մարզպետ Դավիթ Գևորգյանի ամփոփիչ խոսքը և Ամանոլյա շնորհավորանքն ուղղված մարզի խորհրդին:

Համայնքների սեփական եկամուտների հավաքագրման ցուցանիշերի մասին գեկուցեց մարզպետի տեղակալ Գառնիկ Աթանեսյանը: Ներկայացնելով սեփական եկամուտներ հավաքագրած առավել բարձր և ցածր համայնքները՝ նա նշեց, որ վիճակագրությունը փաստում է, որ ցածր ցուցանիշներ ունեցող համայնքների անունները կրկնվում են յուրաքանչյուր տարի: Մարզպետը նշեց, որ համայնքների սեփական եկամուտների պատասխանատուն համայնքի ղեկավարն է: Մարզպետը համայնքների ղեկավարներին **հանձնարարեց** «**օրենսդրության շրջանակներում** իրականացնել բոլոր անհրաժեշտ միջոցառումները եկամուտների հավաքագրման գործընթացը պատշաճ կազմակերպելու և դրական արդյունք ապահովելու համար:


Ներկայացվեց համայնքներում 2019 թվականի հունվարի 1-ի դրությամբ առկա անասունների համատարած հաշվառման աշխատանքների կազմակերպման կարգը: Նշվեց նաև, որ 2018 թվականի ընթացքում տարերային աղետներից 50-100 տոկոսով տուժած հողօգտագործողներին կառավարության կողմից մասնակի փոխհատուցում է տրվելու, և համապատասխան համայնքների ղեկավարներին հանձնարարվեց հետևողական լինել գործընթացի իրականացման ուղղությամբ:

Քննարկվեց համայնքներին սուբվենցիաների տրամադրման և ծրագրերի իրականացման գործընթացի մասին հարցը: Մարզպետը նշեց, որ հետևողական պետք է լինել հատկապես սուբվենցիոն ծրագրերի որակական հատկանիշների ուղղությամբ, քանզի ամենափոքր թերությունների առկայության դեպքում աշխատանքները չեն կարող ավարտուն լինել:

Մարզպետը **կարևորեց** 2019 թվականի առաջին կիսամյակում կայանալիք «Իմ քայլը հանուն Արագածոտնի» միջոցառման նշանակությունը: Միջոցառմանը ներկա են լինելու «**վարչապետ Նիկոլ Փաշինյանը**, հանրապետությունում և արտերկրում բնակվող բազմաթիվ ներդրողներ: Համայնքի ղեկավարը պարտավոր է տիրապետել իր համայնքի ներուժին և ըստ այդմ իմանալ, թե ներդրումային ծրագրերի ինչպիսի իրատեսական հնարավորություններ կան: Ժողովուրդը հույսեր է կապում կառավարության հետ, որտեղ նաև մեծ անելիքներ ունեն համայնքապետերը:

Անդրադառնալով «Տեղական ինքնակառավարման մասին» «**օրենքի պահանջների կատարմանը**, մարզպետը նշեց, որ համայնքապետերը պարտավոր են իրենց գործունեության, մասնավորապես սեփական եկամուտների հավաքագրման և ծախսերի մասին հաշվետվություն ներկայացնել բնակիչներին՝ դրանով ապահովելով նրանց մասնակցությունը տեղական ինքնակառավարման մարմինների կառավարմանը: Նա խիստ կարևորեց համայնքների սանիտարական մաքրման և աղբահանության կազմակերպումը և հորդորեց հարցին մոտենալ ամենայն պատասխանատվությամբ:

Վերջում ամփոփելով մարզխորհրդի նիստը՝ «**Արագածոտնի մարզպետը** շնորհավորեց ներկաների գալիք տարին՝ ցանկանալով բարեկեցություն ընտանիքներին և խաղաղություն Հայոց աշխարհին:

Մարզպետ՝  ԴԱՎԻԹ ԳԵՎՈՐԳՅԱՆ